




内閣文庫	
番號	漢 8876
冊數	8 ( 1 )
函號	286 95





南疆逸史序

淺草文庫



南疆逸史者何紀弘光隆武永曆三朝遺事也何以不言朝不成朝也何以謂之南疆皆南土也勢不及乎北也若曰疆此南疆也云爾然則何紀爾也曰土

守反覆攻守紛錯政令互易興  
亡得失成敗之蹟不可限也忠  
佞雜陳賢奸各出奇才策士之  
謀畧武夫猛帥之忠勇老成正  
直之持論讒陷欺罔之詭辨與  
夫忠義奮發凌霜犯雪之操叛

逆弑毒狐媚虎噬之狀不可畧  
也蓋事變愈煩情態畢露可以  
下拜可以按劍可以裂眦可以  
忤舞可以慟哭流涕缺唾壺而  
抒悲憤者矣嘗論明之亡也始  
於朋黨成於奄豎終於盜賊南

南齊書卷之八  
渡以後馬阮得志借朋黨以肆  
毒合奄豎以固寵假盜賊以張  
威而廟堂昏庸酣歌勿恤忠貞  
黜落貪毒黷橫肆紀綱倒置是  
非混淆以致穴中白鬪貽敵以  
漁人之利焉思文賢主也幅員

偏仄倚寇永明仁慈有餘英斷  
不足崎嶇山海之間播遷流離  
收遺孽為腹心託絕域為禁衛  
傷已當其時坐而平章者不乏  
道德譽望忠諒誠悃之儒捍禦  
邊圉繆綢外海者亦多英達敏

練遺艱投大之材劉黃姜高史  
瞿何堵諸君子者皆學究天人  
忠貫日月常變不渝文武互濟  
亦可謂祖宗之留遺王國之楨  
榦矣乃好爵虛糜大權不昇或  
外而不內或尊而不終親于一

木支傾丸泥塞潰碧血青燐抗  
忠自信悲夫悲夫天命不延人  
慮再舛百六之會又焉能逃迨  
夫曆數已終正朔永絕而監國  
猶然樹蠹縣島嶼之中抗顏鯨鯢  
之側落日狂濤衣冠聚議寸疆

南疆逸史  
未復而志不衰大命垂盡而氣  
方壯父叛子忠鴉音忽好懷誠  
思烈不敢萌貳雖新王之封冊  
嚴父之危詞不能易焉延祚再  
世歷年三紀然後知三百年詩  
書禮樂之遺澤其道守人忠義之

教者深矣蓋明之積弊約有三  
端一曰務虛名不採實用高談  
性命而以曲辰田軍旅為粗研志  
詞華而以刑法錢穀為俗至使  
吏治不修武備全廢假鉞於武  
夫待成於胥吏一弊也二曰別

草

南苑通史 五  
流品不求真才古之求士或在  
革澤或在山林甚至羈囚餓隸  
降卒仇夫皆列置班聯昇膺寵  
任未聞同朝之謗今乃獨尊甲  
第鄙棄舉貢即材懷管葛行同  
夷惠陞擢無期排擠有自楚材

晉用誰實貽之二弊也三曰爭  
浮文不念切效承平虛套以抗  
大敵祖訓浮言以攝巨寇欲以  
通和而反樹之怨欲令効忠而  
滋益之怒迨至隣封執言狂寇  
反噬則影銷烟散啞口無策三



弊也積此三弊敗亡不悟則誤  
國之罪豈得獨諉之小人哉余  
所以每不禁掩卷而三嘆也是  
編也網羅散佚搜抉殘蠹上自  
朝廟大綱事關興滅下迨閭巷  
幽貞直存感頌紀其人傳其事

具見其本末零星逸行攢簇成  
章繁蕪瑣言刪除歸雅論賢智  
寧嚴以其世所指名也寬庸流  
勿議以其無所責焉矣哀之非  
怒之也君父之慝隱而勿彰愚  
賤弗敢知也亂臣賊子末路必

載以示誅夷有所儆焉至於宜  
詳而畧當顯而微則定哀微辭  
不敢背乎春秋之義嗟乎舊國  
舊都望之悵然况乎姓氏與開  
業並垂爵命與末流俱隕其始  
其末先臣實武憑之俯仰今昔

迴環感慕不知涕泗之何從自  
附於西臺之紀云爾其缺畧荒  
謬之譏所不辭也吳興西園居  
士溫睿臨書於炳獨齋

凡例

昔吾友萬子季野方輯明史語余曰鼎革之際事變煩多金陵閩粵播遷三所歷年二十遺事零落子盍輯而志之余曰是明史之所該也余何事焉萬子曰不然明史以福唐魯桂附入懷宗紀載寥寥遺缺者多倘專取三朝成一外史及余時故老猶存遺文尚在可網羅也遂巡數十年遺老

南齊書 卷之八  
八  
盡矣野史無刊本日就零落後之人有舉  
隆永之號而茫然者矣我儕可聽之乎余  
曰是則然矣其間固有抗逆顏行伏尸都  
市非令甲之罪人乎取之似涉忌諱也刪  
之則曷以成是書萬子曰不然國家興廢  
何代無之人各為其主凡在興朝必不怒  
也不得已而遂其志爾故封干表容贈通  
祀闕歷代相沿著為美談

本朝初定鼎首褒殉難諸臣以示激揚其  
在外者不暇及爾褒與誅可並行也且方  
開史局時已奉有各種野史悉行送部不  
必以忌諱為嫌之令矣採而輯之何傷余  
因曰諾然世事拘牽因循未果也其後錄  
得野史數十種方欲咨訪發起例而萬子  
溘然先逝明史列傳甫脫稿尚未訂正念  
亡友惓惓之言不忍違其雅意閑居京邸

南疆逸史  
二  
放廢無事薈最諸書以銷永日顏曰南疆  
逸史非敢附名山之藏亦賢於博奕者云  
爾

野史中有彙紀三朝事者吳緯業綏寇紀  
畧鄒漪明季遺聞是也有紀國變及南渡  
事者夏允彝幸存錄文秉甲乙事案許重  
熙甲乙彙畧李清三垣筆記是也有專紀  
弘光事者顧炎武聖安本紀黃宗羲弘光

實錄李清南渡錄是也有魚紀弘光永曆  
兩朝事者黃宗羲行朝錄錢秉鎰所知錄  
瞿昌文天南逸史劉湘客行在陽秋是也  
有專紀隆武事者閩人思文大紀是也有  
專紀永曆事者沈佳存信編魯可藻嶺表  
紀年劉湘客楊在綦毋遠象郡紀事馮甦  
叔灰錄其南粵新書粵事紀畧鄧凱滇緬  
紀聞滇緬日記是也有專紀一人一事者

應廷吉青燐屑史德威維揚殉節始末袁  
繼咸潯江紀事某北使記康范生處事始  
末某贛州乙丙紀畧徐世普江變紀畧章  
曠楚事紀畧沈荀蔚蜀難叙畧楊在朱容  
藩亂蜀始末武岡播遷始末孫可望賜王  
始末犯闕始末安隆紀事鄧凱遺忠錄求  
野錄也是錄是也有專紀魯監國事者黃  
宗羲魯紀年四明山寨記舟山興廢記日

本乞師紀馮京第浮海記鮑澤甲子紀畧  
陳睿思閩海見聞紀畧是也共四千餘種  
其間紀載有詳畧年月有先後是非有異  
同毀譽有彼此乃取萬子季野明末諸傳  
合而訂之正其紕繆刪其繁蕪補其所缺  
撰其未備以成是編其他未見之書尚俟  
再攷然大畧具是矣

古史於皇帝則稱本紀諸臣則稱列傳者

紀舉一時政令大剛列傳止載一人一事  
故稱紀以別之然太史公于項羽亦稱本  
紀以其號令一時事多詳載也今金陵閩  
粵三君位雖不終亦自帝其地各有政教  
理合紀載若拘入懷宗之例則傳且不列  
何有於記非一代史體也茲首卷先紀略  
不稱本紀者避本朝也其言畧者事固不  
得而詳也

一古人作史有專傳有合傳有附傳非以  
人有優劣也事有煩簡耳專傳必其行  
跡之衆多者也合傳則其學同其行同  
其官同其時同其名同其一事偶同老  
莊孟荀其學同也刺客遊俠酷吏其行  
同也張蒼申屠嘉其官同也婁敬叔孫  
通其時同也管晏其顯名同也屈原賈  
誼以放逐一事偶同也至附傳者以其

人事跡少不能成傳故附記之非薄其人也是編諸傳竊倣此意以事以時為類或其人人品相懸亦不及計矣

一諸臣有逮事崇禎者其行事章奏卷畧之以所重在南渡後且已載于明史也必列之者以其終事在後也然大節亦撮數語不敢盡道也

一諸傳之叙先金陵次閩次浙東次粵諸臣有歷事三朝者則從其重者次之呂大器終于粵而先之者迎主異議大器為主一朝之眉目也後在粵亦無所表見

一古人附傳例不列名余獨不然蓋惜其人忠義節烈本屬賢者而行事泯沒無可紀載僅以一死成名若復不列其姓氏則觀者且將忽之故每篇大書特書



令人聳然於賢者之名耳若其人本不足重者雖附載不列名也

一徐閣學忠烈紀實雖其人無事可書者必另列一行大書姓名余則不然彼專紀忠烈無可附書余則一朝之人忠佞賢奸悉列焉間或附見豈能掩其人之忠烈哉此所以異也無行事而但列姓名一為一傳古無此體也

一義士義兵等傳古無其名今無妨乎曰無害也夷齊扣馬而太公稱以義士出自興朝佐命之口非出自勝國也況諸史各有忠義傳在勝國者為忠則在興朝為不忠在勝國者為義則在興朝為不義然史皆興朝所修而必不廢忠義之名者存其實焉耳此之立名猶是義也

南齊書 卷之七  
一或謂陶黃庵學淳文高明史置之儒學  
候通政司沈總督丘巡撫揭傳兩太史  
曾吏部等皆官位尊重子乃與方都司  
茹叅將等武夫並列義兵其間更有布  
衣仗義者俱在焉得毋不倫乎余曰固  
哉子之見也夫名位有貴賤忠義無貴  
賤也能忠義則匹夫貴矣不能忠義則  
卿相賤矣漢人所謂傑紂至貴而下士

羞與為伍夷齊至賤而王公不敢與抗  
是也豈在名位哉哀十一年郊之戰公  
叔務人與鄰童汪錡往偕死焉魯人欲  
勿殤汪錡問於仲尼仲尼曰能執干戈  
以衛社稷雖欲勿殤也不亦可乎夫童  
子也而其名與國君之子並垂魯人禮  
之聖人贊之千載下凜凜有生色較之  
魯曾三卿更烈焉非以其死義耶而何不

可並列之有至如道學正於舍生取義見之陶菴以一書生枕戈于寢與武夫並奮此正見其實在道學也與夫口談仁義而身怯國事者異矣嗟乎世衰道失學術不明人惟聲利是趨乃于綱常大義亦先上名位豈不可嘆哉

一周鏡鍾宗雷演祚三人者未嘗官南渡也南渡殺之耳何傳焉曰是南渡一大

案也馬士英竭智盡巧以起大鉞而歸其獄于從逆諸臣從逆者不可得而誅而歸其獄于周雷于是周雷誅大鉞用清流懼禍釀成左鎮之內犯而國已亡則此三人者烏乎不載也

同  
一四鎮固功一體之人也列黃高而削二劉以其不終也其事則已附見矣李成棟之附見于李元胤傳以其無始也成

棟不與聲桓一例乎曰是有辨粵中之  
不靖成棟擾之也迨其反正而民生已  
塗炭矣忠烈材幹之士已夷滅矣惟其  
小心聽命以死勤事較之惜內附而仍  
暴橫如忠貞諸人異焉若夫聲桓始終  
一賊耳歸朝之後不請吏不納士不離  
窟穴擅置官吏私財賦妄殺戮稽其來  
後全無王章致煩天討屠害生靈故列

### 逆臣

一孫可望事與粵中相終始粵中立國而  
可望入滇矣可望降而粵亦以亡且其  
邀王封謀受禪擅殺大臣劫置安隆稱  
兵內犯皆粵事之大者不載不可也載  
之則人已歸降例不得載今詳見於李  
定國傳而擇於同時諸臣亦得其大略  
矣

一諸史必有儒學孝友獨行文苑隱逸方  
伎等傳茲編為人無幾無從分晰獨隱  
逸欲列一傳而搜訪殊寡方明之末諸  
潔身高蹈者所在多有然其人既不求  
名而知交中或鮮好義文學之士不為  
傳述子孫式微遂致湮沒豈不惜哉廣  
搜旁羅以發潛德此亦四方君子之責  
也

一金陵之亡閩有君矣閩亡粵有君矣魯  
監國紀不亦贅乎曰此以存諸遺臣也  
諸臣之雜事唐魯桂者多矣若錢張諸  
公與魯相終始者也無魯何以有諸臣  
諸臣之雄才大略精忠烈志皆與日月  
爭先者可以畧乎諸臣不得畧而監國  
烏乎不紀也且閩亡之後諸臣奉之長  
垣奉之健跳奉之中左奉之舟山閩中

南齊書卷之九十一  
十一  
震動獨非國事乎此皆不得附見于閩  
粵者也在昔梁未亡而蕭登自立稱為  
後梁史不得畧彼並帝者尚然况於守  
監國之虛懷無自帝之驕志吾以為賢  
於靖江廣州萬萬矣故彼削而此紀  
一明祖鑒胡汪之禍不復立宰相以廢政  
歸六部而大權獨操太阿不旁落善矣  
然後嗣難以導也成祖始興學士叅決

機務設有內閣矣英宗冲年踐祚政在  
房闈始有票擬矣其後皆以六卿加宮  
保銜則權與宰相侔矣懷宗英察微有  
猜嫌秉鈞之地信任不專十七年之間  
至五十人于是內豎得而箝制之臺諫  
得而齟齬之廟堂無政海內崩離豈非  
輕蔑大臣有主而無輔之所致歟南渡  
而後貴陽煽虐猶有承平權奸之勢故

江左卒為所覆至於閩粵而政府輕於  
庶官矣片言合旨立執化樞節鉞邊帥  
皆予閣銜惟起二三遺老欲資籌策而  
碌碌尸位望不稱職事不可遺故立一  
傳

一明立宗支幾百萬殲於賊者十之九焉  
其散處他方義旅相於推戴於是知列  
聖德澤在人念其苗裔猶祖宗也惜乎

謗劣之材不足以勝鼎器隨起隨仆比  
之聖公盆子猶或下焉被其毒者至儕  
之盜賊嗚呼夫孰非天潢之支流也歟  
仇君在親禍及宗祖枕戈之志孰得議  
之雖其無成亦足悲矣而兵火之餘無  
從掇拾之者謀略不具始末不完聊志  
梗概存其間抱節義者爾

一鄭芝龍受明厚恩而不終成功以子叛

父是何足誌乎曰凡為傳者豈其人是為亦以徵國是焉閩之立國惟鄭是依國事取決於芝龍而負恩喪國計其罪合入叛逆之五成功痛父之不忠矢心圖報奉粵朔不敢有二迨至粵亡猶以紀年竊附仍稱天復之義明之世勲宗戚與夫將相大臣受累朝厚恩者未有效忠若是者也事雖不成君子深悲其

志焉或曰其拒魯王而不納非欲自專恣乎曰否魯於閩固不協也兩相誦矣閩亡而奉魯思文有知不含愠地下乎附粵以明臣服之心拒魯以存故主之感此其英雄智略也然則何以不入粵曰地相隔也此有土為勢不得含之以奉粵也今含而奉粵則亦壬寅一倖囚耳安能崛起強島中延明曆二十餘年哉



故以其父子祖孫自為一傳如五代吳越世家例為忠為叛讀者評之

或曰逸史之異於正史者正以軼事記載多耳子於軼事往往略之如德昌之疑非真也大悲童氏之獄暗昧不明也非當明辨之者歟永明見繫而神告以真符入寺而木偶起立非受命之貞乎瞿留守之松仙預定也非管郭之流歟若

是者不可枚舉而子俱不載何也曰德昌之事無從辨也辨之而益疑刪之而論定矣永明之夢松仙之數近於機祥君子不道也此編外史也不敢悖乎史體若瑣瑣是述疵累筆端故略之畧之而人且以正史目之矣

明至定陵不獨朝事隨弛士大夫學術亦漓矣其時絕少通經學古之士馴至啓

南史通史 八  
十五  
禎半白腹耳野史載懷宗問閣臣宰相  
須用讀書人何謂也諸臣莫能對首輔  
徐奏曰容臣等至閣會議具奏內侍皆  
掩口而笑嗚呼以不學之人微倖得第  
平章軍國重事以支寇盜交誑之會欲  
不亡得乎明史自開國至嘉隆儘多佳  
傳即少事實亦簡潔有體萬曆以後冗  
蕪矣以前此纂述名手誌傳而後之所

本者不堪耳取正史所遺而傳聞甚的  
者纂為一編名曰吾徵錄南渡軼事未  
入此編者亦附載焉稱為論斷竊倣中  
壘說苑之例他日南歸資田閭之笑嗷  
且以誇示兒曹曰此十餘年遊學錦囊  
也

南疆逸史

目錄

卷一

南疆逸史目錄

卷之一

紀畧一

聖安帝

卷之二

紀畧二

思文帝

卷之三

紀畧三

南疆逸史

目錄

Faint bleed-through text from the reverse side of the page, including characters like '卷一', '紀畧一', '聖安帝', '卷二', '紀畧二', '思文帝', '卷三', '紀畧三'.

南疆逸史 目錄

永曆帝

卷之四

紀畧四帝

魯監國

卷之五

列傳一

卷之六

列傳二

卷之七

列傳三

卷之八

列傳四

卷之九

列傳五

卷之十

列傳六

卷之十一

列傳七

南疆逸史 目錄

南疆逸史 目錄

卷之十二

列傳八

卷之十三

列傳九

卷之十四

列傳十

卷之十五

列傳十一

卷之十六

列傳十二

卷之十七

列傳十三

卷之十八

列傳十四

卷之十九

列傳十五

卷之二十

列傳十六

南疆逸史 目錄

卷之二十一

守土諸臣列傳十七

卷之二十二

死事諸臣列傳十八

卷之二十三

死事諸臣列傳十九

卷之二十四

死事諸臣列傳二十

卷之二十五

死事諸臣列傳二十一

卷之二十六

死事諸臣列傳二十二

卷之二十七

死事諸臣列傳二十三

卷之二十八

死事諸臣列傳二十四

南疆逸史目錄終

南疆逸史卷之一

紀畧一

聖安帝

聖安帝神宗之孫福恭王長子也諱由崧母鄒氏初封德昌王進封世子

崇禎十四年正月李自成陷河南府恭王遇害世子出走懷慶

十六年七月朔封福王懷宗手擇宮中玉帶命  
中使賜之

南明史記 卷一  
十七年三月、京師失守、四月己巳、烈皇凶問至  
南京、其時南京益贊機務兵部尚書史可法督  
師勤王在浦口、南京諸大臣聞變倉卒議立君  
未有所屬、而王與潞王以避賊至淮上、潞王諱  
常澆、穆宗之後也、有賢名、大臣意多在潞王、總  
督鳳陽兵部右侍郎馬士英遺書南京言、福王  
倫序當立、甲申、守備南京魏國公徐弘基提督  
操江誠意伯劉孔昭、南京戶部尚書高弘圖、工  
部尚書程註、右副都御史張慎言、掌翰林院事

詹事姜曰廣、南京守備掌南司禮監務太監韓  
贊周等集朝、內兵部右侍郎呂大器署禮兵二  
部印、不肯署議、吏科給事中李沾厲聲言、今日  
有異議者死之、時士英握兵於外、與大將靖南  
伯黃得功、總兵劉澤清、劉良佐、高傑等相結、諸  
大將連兵駐江北、勢甚張、大臣且畏之、不敢違、  
於是、以福王告廟、乙酉、弘基等迎王於江浦、丁  
亥、百官迎見、王素服、角帶、哭、五月、戊子、朔、王乘  
馬自三山門外、至孝陵、從臣請從東門御路入



王遜避自西門入至享殿祭告畢次詣懿文太子陵自朝陽門入東華門步行謁奉仙殿出西華門駐蹕內守備府己丑群臣勸進王辭讓遵景皇帝故事監國是日

大清攝政王入北京

初三日庚寅

王行告天禮升殿

百官行四拜禮魏國公徐弘基跪進監國之寶王受訖再行四拜禮乃退大赦其新加練餉及崇禎十二年以後一切雜派并各項錢糧

十四年以前實欠在民者悉免之以張慎言為

吏部尚書壬辰以史可法為東閣大學士兼兵部尚書高弘圖為東閣大學士兼禮部尚書並入閣辦事馬士英為東閣大學士兼兵部尚書總督鳳陽如故發銀一萬兩遣職方司郎中萬元吉往犒得功等軍癸巳為大行皇帝發喪哭臨甲午以姜曰廣為東閣大學士兼禮部尚書前禮部尚書王鐸為東閣大學士並入閣辦事曰廣辭改禮部左侍郎入直以工部右侍郎周堪廢為戶部尚書召前都察院左都御史劉宗

周復官乙未遣河南道御史祁彪佳等安撫江  
南可法請裁去南京內外守備叅贊等銜定京  
營及府衛官兵軍校事宜又請公江北為四鎮  
以黃得功劉澤清劉良佐高傑四人分統之傑  
駐徐州經理河北河南開歸等處招討事良佐  
駐壽州經理河南陳許等處招討事澤清駐淮  
安經理山東等處招討事得功駐廬州經理各  
路援勦事各省分地軍民分統轄有司聽節制  
營衛修葺舊伍墾荒蕪採山澤招商稅以供軍

資每鎮額兵三萬人歲供本色米二十萬折色  
銀四十萬設督師於揚州節制諸將罷鳳陽總  
兵官改副將設九江京口兩鎮以操江總督文  
臣協理並從之丙申馬士英率兵入朝戊戌郡  
臣勸進箋三上王許之禮部請祀地祇命侯祭  
天一併舉行己亥修奉仙殿撫寧侯朱國弼請  
裁漕鎮從之辛丑召兵部尚書張國維回部協  
理京營戎政召前刑部尚書徐石麟為都察院  
右都御史壬寅王即皇帝位改元弘光以明年

首世者誤

為元年賜文武官一級存問在籍大臣起廢滯  
宥罪過其北地文武官員義不從賊在南首一  
體用試

弘光元年稅糧免十分之一江北湖廣四川倍  
免馬盧九德為司禮監秉筆太監提督京營癸  
卯馬士英入閣辦事仍掌兵部禮部右侍郎顧  
錫疇為禮部尚書分應天蘇松為二巡撫甲辰  
忻誠伯趙之龍總督京營戎政進封黃得功靖  
南侯左良玉寧南侯封高傑興平伯劉澤清東

老下恐有脫  
字

東平伯劉良玉廣昌伯乙巳禁北來逃入京丁  
未史可法出督師于揚州給銀二十萬兩諭叅  
將王之綱迎太妃于河南郭家寨李自成差偽  
將軍董學禮等率兵南下至宿遷巳酉總督漕  
運巡撫鳳陽等處地方右僉都御史路振飛遣  
兵擊敗之擒其偽防禦使武愨張慎言薦成藉  
大學士吳甡命召之庚戌劉孔昭許慎言於朝  
慎言乞罷上兩解之弼圖曰廣各上疏乞罷不  
許命御史周一敬護送潞王駐杭州設勇衛營

南齊書 卷一 五  
以御馬監太監李國輔監督壬子進魏國公徐  
弘基左柱國其餘侯伯各加一級歲加祿米五  
十石賜韓贊周廢弟姪二人盧九德一人錦衣  
衛指揮僉事各賜蟒衣及銀癸丑遣史可法祭  
告鳳陵泗陵左良玉祭告顯陵乙卯封平西伯  
吳三桂薊國公世襲命發銀五萬兩漕米十萬  
石饋之聞其敗賊也六月壬戌上大行皇帝  
諡曰紹天澤道剛明恪儉揆文奮武敦仁懋孝  
烈皇帝廟號思宗大行皇后諡曰孝節貞肅淵

菴莊懿奉天靖聖烈皇后甲子程註致仕丙寅  
慎言致仕馬士英薦逆案前光祿寺卿阮大鍼  
知兵命予冠帶召見廷臣交章劾奏不省弘圖  
曰廣各疏求去不許湖廣巡按御史黃澍入朝  
劾奏士英十可斬上令士英避位士英因內侍  
乞留乃止壬申士英劾從逆諸臣光時亨項煜  
周鍾等命逮治先是周玉薨於淮安舟中命于  
安吉孝豐擇地下葬丙子呂大器引疾致仕丁  
丑張獻忠陷重慶府瑞王遇害戊寅封福府干

戶常應俊襄城伯庚辰以徐石麒為吏部尚書  
 工部侍郎何應瑞為工部尚書壬午巡按淮安  
 御史王燮奏皇太子定王永王俱遇害是日鎮  
 江兵變焚民居數百家乙酉命薦舉人材授西  
 北殘破州縣停止勸餉事例秋七月丙戌朔命  
 魯王駐台州添設兵部侍郎二員戊子追尊皇  
 考福恭王曰貞純肅哲聖敬仁毅恭皇帝皇妣  
 姚氏曰孝誠端惠慈順貞穆皇太后皇祖妣貴  
 妃鄭氏曰孝寧溫穆莊惠慈懿憲天裕聖太皇

太后遙上母太妃鄒氏尊號曰恪貞仁壽皇太  
 后諡先妃黃氏曰孝哲懿莊溫貞仁靖皇后繼  
 妃李氏曰孝義端仁肅明貞潔皇后追復懿文  
 太子廟諡曰興宗孝康皇帝妃常氏曰孝康皇  
 后上建文帝諡曰嗣天章道誠懿淵恭覲文揚  
 武克純篤孝讓皇帝廟號惠宗后馬氏曰孝慈  
 溫貞節睿肅烈襄天弼聖讓皇后追尊恭仁康  
 定景皇帝諡曰符天建道恭仁康定隆文布武  
 顯德頌孝景皇帝廟號代宗貞惠安和景皇后

南疆逸史 卷一  
汪氏曰孝淵肅懿貞惠安和輔天恭聖景皇后  
己丑以太常寺少卿在懋第為兵部右侍郎兼  
都察院右僉都御史經理河北聯絡關東軍務  
兵部職方司郎中馬絡愉為太僕寺少卿加總  
兵官陳洪範太子太傅偕往北京給銀三萬兩  
為山陵道里費以六科員缺令將中行評博推  
知等官俱減俸行取乙未定京營制為五軍神  
樞神機三大營各一營至十營以團練總兵官  
六人分統之癸卯命禮部尚書顧錫疇祀海甲

辰追封開國功臣故穎國公傅友得麗江王賜  
諡曰武靖宋國公馮勝寧陵王諡曰武壯己酉  
中旨以吏部右侍郎張有譽為戶部尚書弘圖  
封還爭之不聽辛亥釋高牆罪宗前唐王聿鍵  
等三百餘人時羣臣分黨紛爭日甚壬子諭曰  
朕遭百六之運車書問阻方資群策旋軫故都  
乃文武之交爭致異同之日甚先帝神資獨斷  
彙納衆流天不降康咎豈在上爾諸臣尚監于  
前車精白乃心匡復王室若水大不化戈矛轉

興天下事不堪再壞且視朕為何如至祖宗成  
憲切尚戈息各宜欽承朕言不再改正閣衙以  
尚書兼大學士八月丙辰朔日有食之癸亥勅  
左良玉兼提督官開藩武昌甲子張獻忠陷成  
都府蜀王遇害乙丑 上曰川陝道遠職官多  
缺吏部選擇賢才堪任監司府州縣者與巡按  
御史朱壽圖前去隨才署用以後凡殘破險遠  
地方准此戊辰皇太后自儀鳳門入宮遣靈壁  
侯湯國祚告于南郊命惠王駐廣信府癸酉命

修西宮之西園第一所為皇太后宮乙亥命吏  
部察廢籍及舉貢監生才品堪用願効危疆者  
考選二三十名咨發督輔軍前以補地方缺官  
丁丑封皇太后弟千戶鄒存義為大興伯贈吳  
三桂父故總兵官吳勳遼國公母祖氏遼國夫  
人唐辰命選淑女辛巳賜北京死節諸臣大學  
士范景文等二十二人贈諡祭葬有差建祠難  
鳴山賜額旌忠壬午以太子太傅禮部尚書兼  
文淵閣大學士王應熊起用改兵部尚書總督

南疆通志 卷一  
川湖雲貴等處肅辦蜀寇賜尚方劍便宜行事  
仍給銀三萬兩癸未封鄭芝龍為南安伯命停  
文武官薦舉禁非言官而上疏者乙酉中旨以  
阮大鍼為兵部右侍郎巡閱江防是月清將楊  
萬興下濟寧九月辛卯裁各布政司右布政司  
癸巳曰廣致仕甲午宗周致仕己亥三法司奏  
定從逆六等條例大逆凌遲處死凡五條凡從  
逆攻陷京師及為賊毀宗社易門榜者凡倡率  
勸進及為賊草偽詔者凡部院詹事翰林三品

以上大臣從賊受偽官為之親信用事者凡文  
武封疆大吏如督撫總兵降賊者凡京堂翰林  
科道等部官為賊畫策規取地方者以上如本  
犯不歸歸而又逃者收繫其妻子籍沒其資產  
斬決不待時凡三條凡四品京堂及翰林科道  
受賊偽命居安地比原職加崇者凡方面分巡  
分守知府等官降賊者凡文武封疆大吏聞變  
先逃者絞凡六條凡獻銀獻女獻婢以媚賊求  
免者凡內外衙門官但受偽命者凡職在巡方



南疆通考 卷一  
十一  
遇變逃者凡被賊夾打不能自回仍受僞官者  
凡受僞官為賊疏遠者凡各衙門奉差如管屯  
管河推關司餉等官雖無封疆之責而逃者流  
凡二條凡內閣重臣及部院等三品以上詹事  
翰林五品以上即不從賊偷生潛逃者凡既受  
僞職後自疏遠先賊未敗脫身南還者以上斬  
絞流及遠成共十一則如各犯認罪自投擬減  
本罪一等如遁歸匿形蓄謀叵測議本罪加一  
等仍收繫其親屬徒凡二條凡侯考侯選即無

官守即未受僞官仍浮沉賊中賊奔乃還者凡  
遇賊變為賊脅留未受僞官者杖凡一條凡初  
為賊所拘未受僞官乘間先歸者 上曰北都  
淪喪帝后遐升巷戰死綏者遂無一人且反面  
事仇甘心降賊為之指斥先帝規并海宇人心  
已喪法紀何存所奏既已會議允當並先奪職  
其絞罪以上法司行撫按官逮至京訊之流罪  
以下撫按官依律即訊具奏其有身雖陷賊而  
能改圖歸正擒殺賊首及以兵馬城池來歸或

南疆通義 卷一 十一  
為我內應克立大功或為我內間效忠 本朝  
者仍從優升賞不用此例士英請令童生輸銀  
免府縣考二試乙巳給河南巡撫越其杰銀十  
五萬兩令募兵屯田追賜國初諸臣陶安等先  
朝諫死諸臣蔣欽等謚命鄉官與監生齊民較  
田多寡一體當差不許擅立官戶丁未 上皇  
考陵名曰熙陵庚戌命法司逮問呂大器前巡  
按御史左光先俱不至開納助工事例辛亥停  
宗室換授壬子命刑部逮問黃澍亦不至戶科

給事中陸朗御史黃耳鼎例授外職特旨留之  
二人疏攻徐石麒甲寅石麒致仕是月高傑率  
兵赴鎮冬十月丁巳太常寺少卿李沾為左都  
御史庚申高弘圖致仕甲子遣司禮監太監孫  
元德察催直隸浙江福建金華歲改緞庫九價  
一應錢糧仍督兩浙漕糧鹽課洋稅并一切修  
練儲備事宜賜北京死節太監王承恩等九人  
贈諡祭葬廕有差丙寅命於杭州選淑女壬申  
中旨以吏部右侍郎張捷為吏部尚書癸酉追

復代宗生母賢妃吳氏 上謚曰孝翼溫惠淑  
慎慈仁匡天錫聖皇太后惠宗長子文燿曰恭  
愍皇太子弟允通為吳悼王允燧為衡愍王允  
燾為徐哀王追封惠宗子文奎為厚懷王並附  
祀孝康陵復江都宜都南平等四郡王為公主  
耿睿于禮為駙馬都尉丙子命以來年正月  
上辛合祀 天地于南郊士英請令戶部給直  
省印單凡贖鍰自杖以上俱註單內解部充餉  
其不入單內以賍論從之丁丑以兵部左侍郎

解學龍為刑部尚書戊寅加左良玉太子太傅  
壬午命停今年決囚癸未鑄弘光通寶錢是月  
漳州賊破雲霄滅據之官兵討之賊走大浦十  
一月戊子西宮成賜名慈禧殿續封鄧文竟為  
定遠侯庚寅命開屯海中玉環等山辛卯令生  
員納銀充貢總兵官丘磊有罪下獄死癸巳命  
遼王駐台州寧海縣乙未夜端門外火 大清  
兵入宿遷破海州庚戌以某軍都督府左都督  
許定國充總兵官掛鎮北將軍印鎮守開封辛

亥監下江軍兵部職方司郎中楊文驄請於金山圖山築城從之壬子復逃官御史蘇京官駐廟灣聯絡海上自五月不雨至於是月十二月乙卯朔命荆王駐九江府丁巳追封劉澤清為東平侯禁巡按御史不許拿訪唐申賜建文死節諸臣贈諡辛酉以湖廣巡撫何騰蛟總督川廣雲貴等處軍務兼督糧餉專理恢勦丙寅改上孝宗后張氏諡曰孝誠靖肅莊慈哲懿扶天贊聖敬皇后大閱京軍命士英代己巳陳洪範

北使還左懋第不屈被執通政司楊維垣請重刻三朝要典命禮部訪求一部送入史館又奏逆案多枉命吏部察明分別復職起用有狂僧大悲至京自稱王下鎮撫司訶訊癸酉復逃官前左春坊左諭德韓四維官工料右給事中戴英劾之改別衙門用甲戌遣士英視牲乙亥復逃官兵科給事中時敏官開屯海中大瞿等山丁丑諭吏部自天啟以前諸臣有勞績者察明贈官不得與膺三法司奏解學龍等從賊諸臣

南齊書卷一  
獄 上以諸臣擬罪太輕命再議開納文武職  
官誥命事例 大清兵自孟縣渡河總兵李際  
遇迎降命高傑屯歸德以備之徐弘基卒戊寅  
傑自徐州進兵辛巳罷南郊改於明年冬至壬  
午以應天府府丞瞿式耜為右僉都御史巡撫  
廣西士英請權酷從之

弘光元年春正月乙酉朔大雪免百官朝賀以  
士英掌文淵閣印克首輔辦事癸巳命得功良  
佐率師進屯穎亳二人受命不行興平伯高傑

率軍至睢寧乙未許定國伏兵享傑于城中殺  
之叛降于清戊戌禁宗室入京朝見壬寅命在  
京諸臣自陳癸卯中旨以史部左侍郎蔡奕琛  
兼東閣大學士入閣辦事命裁監紀及將官  
乙巳奪解學龍職丙午召左都御史唐世濟復  
官管右都御史加高傑監軍兵科給事中衛胤  
文兵部右侍郎總督興平標下鎮將兵馬兼理  
本鎮汛地經畧開歸防勦軍務是月 大清兵  
入西安府李自成走襄陽二月甲寅朔命於嘉

興紹興二府選淑女己未阮大鍼為兵部尚書  
兼右副都御史仍管巡閱江防事務以工部右  
侍郎高倬為刑部尚書人有上書言開化德興  
玉山之間有雲霧山為先朝封禁開之可以助  
國命太監李國輔會同撫按往勘視辛酉命五  
府察明勲臣世系方許保選戚臣不許濫清世  
襲癸亥續封顧其謙為鎮遠侯甲子謚皇太子  
曰獻愍定王曰哀永王曰悼乙丑命於蘇州織  
造大婚冠服丁亥顧錫疇罷廢方孝孺裔孫樹

節為翰林院五經博士遣太監高啟潛安撫興  
平營將士甲戌進蔡弄琛禮部尚書文淵閣大  
學士乙亥進封皇弟由槩為潁王謚曰冲禮部  
請朝日命侍南郊禮成行之丙子更上先帝  
廟號曰毅宗趙之龍奏思非美謚乃改封慈煥  
為宗王命駐福州府己卯改鑄南京各衙門印  
去南京二字癸未大悲棄市鴻臚寺少卿高夢  
箕奏先帝皇太子自北來遣內臣踪跡至杭州  
得之三月甲申朔至京駐興善寺遣太監李承

芳盧九德等審視還報夜五鼓移至堂錦衣衛  
都督同知馮可京邸舍乙酉上御武英殿命  
府部九卿科道及前東宮講官中允劉正宗李  
景濂少詹事方拱乾等審視太子問答多不符  
大學士王鐸此為假久之自稱為王之明故駙  
馬都尉王昺姪孫奏上丙戌下中城兵馬司獄  
以成籍錢謙益為禮部尚書丁亥復故少師兼  
中極殿大學士溫體仁諡戊子命太監喬尚總  
理兩淮鹽課嚴察兵馬糧餉壬辰命百官會審

王之明于午門外上故妃童氏在河南巡按  
御史陳潛夫具儀從送至京上以為假下錦  
衣衛獄并逮訊潛夫癸巳遙祭諸陵戊戌三法  
司以王之明獄上命再嚴究往來踪跡及主使  
之人先是太子之至也都人皆喜以為上未有  
子且以為嗣至是人情益懼民間流言指馬士  
英王鐸共謀戕害太子黃得功上疏乞保留  
上乃命養之獄中勿遂加刑劉良佐上疏并言  
太子童氏二事謂上為群臣所欺因命法司先

將二案審明情節傳示中外以釋群疑然而流  
言日甚己亥 上懿安皇諡曰孝哀慈靖恭惠  
溫貞偕天協聖哲皇后史 上皇考諡曰孝皇  
帝壬寅先帝忌辰 上于宮中舉哀百官于太  
平門外設壇遙祭乙巳 大清兵從河南下總  
兵官王之綱走宿州是日入歸德府巡按御史  
凌駟死之丙午罷安慶巡撫己酉贈高傑太子  
太保蔭 子錦衣衛百戶壬子加高傑部將李  
本身太子太保左都督提督興平伯標下兵馬

夏四月丙辰左良玉反陷九江府良玉尋死其  
子夢庚自稱留後丁巳追恤三案諸臣劉廷元  
等二十人並復原官仍各贈廕有差己未左兵  
陷東流京師戒嚴以公侯分守長安等門及都  
城十三門徵靖南廣昌東平三鎮兵入衛命可  
法至江北調度阮大鍼率兵巡防江上是日戮  
光時亨周鍾武愨於市周鑣雷縝祚賜自盡其  
餘從賊諸臣擬死罪者戍邊流罪以下為民是  
日左兵陷安慶府 大清兵自歸德分道一趨



亳州一趨碭山徐州總兵李成棟奔揚州壬戌  
封常澄為襄王命駐汀州府是日都都黃斌卿  
等與左兵戰于銅陵之灰河敗之明日復戰沉  
其船三十艘命勞諸將銀幣乙丑大清兵入  
泗州丙寅渡淮史可法退保揚州丁卯選淑女  
于元輝殿潞王在杭州上書請僻靜一郡戊辰  
命移駐湖州府勅賜獎諭且命移周魯二王于  
江西廣東辛未大清兵圍揚州七日城破督  
師史可法死之遂屠其城戊寅追封于謙臨安

伯五月壬午朔進封得功靖國公諸將各陞廢  
有差遣司禮監太監王肇基賞銀幣徃勞丁亥  
封鄭鴻達靖虜伯分蘇松常鎮為二巡撫己丑  
夜大清兵自七里江渡庚寅鴻達以水師奔  
福建大清兵入鎮江府初十日辛卯上遜  
于太平士英奉皇太后如杭州京城潰日夕  
時至太平居察院公署十二日癸巳如得功營  
御舟中忻城伯趙之龍禮部尚書錢謙益送款  
于豫王大清兵自丹陽趨句容十四日乙未

南飛逆史 卷一 七  
夜前隊至郊壇門十五日丙申豫王至營於郊  
壇北之龍及諸勳戚文武大臣皆迎降劉良佐  
率兵至上新河降十八日己亥豫王入南京十  
九日庚子如蕪湖廿二日癸卯良佐引大兵追  
帝左國柱太師靖國公黃得功死之其將田雄  
張杰等奉 上如大軍九月甲寅 上如北京  
唐王即位遙上尊號曰聖安皇帝明年五月遇  
害潞王等亦見殺粵中立國 上諡曰安宗簡  
皇帝



工科李清南渡錄曰 上燕居深宮每徘徊詫  
嘆謂諸臣無肯為我用於聲色罕近也然讀書  
少章奏未能親裁故內閣外士相倚為奸卒歸  
過於上如端門捕蝦蟆此宮中舊例而加以穢  
言且謂嬖童季女死者接踵內外誼謗罔辨也  
及國亡宮女逸出始得其真惟一為士英所挾  
太防旁落亂政亟行以淪胥于亡蓋帝仁厚有  
餘剛明不足論者謂士英聽阮大鍼奸謀欲以  
三朝要典興黨人之獄 上獨不允亦可想見

其為人矣

逸史曰自燕都淪喪懷生之倫莫不飲痛然大  
 河南北雖經蹂躪而吳楚閩粵滇黔疆城如故  
 也于是紫蓋渡江南都擁立以倫以序福王為  
 正史大司馬忠亮日月招徠耆舊奮揚師旅時  
 則高知圖姜曰廣左右一人張慎言徐石麒代  
 為家宰張有譽顧錫疇並列六卿起劉宗周為  
 亞相鄭誼為大理翰林則陳子壯劉同升趙士  
 春卿尹則侯峒曾姚思孝詹兆恒郭維經臺諫

則馬嘉植熊汝霖章正宸陳子龍沈宸荃游有  
 倫喬可聘郭貞一邵曹則夏允彝吳嘉胤黃端  
 伯何剛錢旃群賢濟濟布在殿陛方將校七萃  
 閱六師和強隣剪仇寇衆庶喁喁想望中興即  
 未能颺起雲蔚迅復大物而滔滔河國畫墮日  
 守猶未失為晉元宋高也無何而貴陽煽虐盜  
 竊秉鈞外連強帥內起狐群斤逐貞賢引用匪  
 類寵賂既彰紀綱大壞史公奔走淮江網謬內  
 壤猶日不足久之忠貞激發傑驍降心援指北

旗電掃河洛而變生杯酒自相屠滅卒致倒戈  
 天不祚延可概見矣迨夫 朝昏日甚飛章告  
 密萃于清流而托名皇胤王郎故智適符其會  
 于是不逞之徒借 清君側晉陽之甲羽檄四  
 馳乃空淮左以遏江防使敵得蹈虛乘隙長江  
 飛渡君臣輿櫬嗚呼悲夫究其始終以人為興  
 衰易稱否泰君子小人之消長而已有 國家  
 者可不鑒哉  
 南疆逸史卷之一終



文政三年

